

22 Իսկ Վարազդատ թագաւորն պատգամ յղէր պատասխանոյն առ զաւրավարն Մանուէլ, եւ ասէր. եւ քանզի չեմ Արշակունի, զի՞ եղի զթագ սախնեաց իմոց Արշակունեացն, եւ կալայ զաշխարհ առաջնոց իմոց, եւ ինկրեցի զվրեժ հաւրեղբարն իմոյ Պապայ ի չարագործ յեղբարէն քումմէ ի Մուշեղայ, բայց զի դու չես յաշխարհես յայսմանէ, զի քեզէն իսկ ասացեր՝ բաս յերկրէն յաշխարհէն ճենաց եմք լեալք թագաւորք ի բնութենէ՞¹, եւ այսր պանդուխտք եմք եկեալք, արդ ըստ արիւնակի եղբարն քո մի՛ մեռանիր: 23 Չի իմ, առ բարերարութեան իմոյ, արծակեցի² զքեզ. երթ գնա յերկիրն ճենաց, անդ կեաց, եւ անդէն թագաւորեսցիր յերկրին քում: 24 Ապա թէ ոչ կամիցիս գնալ, մեռանիս ի ձեռաց իմոց որպէս եւ Մուշեղն մեռաւ:

25 Իսկ յորժամ բազում անգամ երթեալք եկեալք պատգամաւորք՝ բազում խստագոյն քան զխստագոյն բանս կսկծանաց առ միմեանս յղէին, եւ յետ այսորիկ ժամադիր միմեանց լինէին՝ պատերազմաւ զմիմեանս տեսանել: 26 Իսկ ի հասեալ ի ժամադիր ժամուն, եկեալ տային ընդ միմեանս պատերազմ: 27 Եւ թագաւորն Վարազդատ առնոյր զզարն իւրոյ բանակին, եւ գնայր հասաներ ի տեղի ճակատուն, վառեալ կազմեալ պատրաստեալ ի պատերազմ. սոյնպէս եւ սա պատրաստագոյն քան զնոսա: 28 Եւ Մանուէլ սպարապետն հասաներ իւրով զնոսան ի նոյն տեղի. եւ ի դաշտին Կարնոյ լինէին խառնուրդք երկոցունց զնոսացն ընդ միմեանս բախելոցն:

29 Թագաւորն Վարազդատ եւ սպարապետն Մանուէլ զնիզակս առեալ, միմեանց յարծակեալ ախոյեանք ելանէին: 30 Իբրեւ զաչս ի վեր ամբառնայր արքայն Վարազդատ, եւ նայեր ընդ գալն իւր եւ տեսաներ զսպարապետն Մանուէլն, ի մեծութենէն հասակին եւ ի շքեղութենէ անծինն եւ յամրակուռ յերկաթապատ յոտիցն մինչեւ ցգլուխն առ հասարակ յանվթար զինէն, ի հաստամեստ յանձնէն, եւ ի հաստատուն երիվարէն եւ յասպազէն³ վառելոյն յանշարժ սպառազինէն, համարեցաւ կշռեաց զնա ի միտս իւր իբրեւ զլեռն մի բարձր զանմատոյց: 31 Սակայն ածեալ զմահ ընդ միտս՝ յարծակեցաւ. զի այնուիտեւ չունէր ակն անծինն ապրելոյ: 32 Սակայն զի մանուկ մարդ էր արքայն Վարազդատ, իբրեւ ետես զնա այնպէս՝ զի չէր ինչ կռուոյ տեղեակ, եւ զմտաւ թէ՛ ի զրահսն ոչ ինչ կարիցէ նիզակ գործել, առ ձեռաց կորովութիւնն զնիզակն ընդ բերան արկաներ զաւրավարին Մանուէլի: 33 Իսկ Մանուէլ բուռն հարկաներ զնիզակէն. հանեալ ի նմանէ զնիզակատեզն՝ ընդ իւր թուրծն հաներ, եւ բազում զիւր թափեր զատամունսն, զնիզակն յինքն հաներ յարքայէն:

1 Թերեսս ի բնէ

2 Յոր. արծակեալ լիցի

3 Յամենայն օրինակս՝ յապարէն